



Comune de Onanie

Provìntzia de Nùgoro

DELIBERATZIONE DE SU CONSÌGIU COMUNALE

Deliberatzione n. 7 de sa die 23.04.2014

OGETU:	Rinnovu de sa Cumpangia Barratzellare pro sos tres annos 2014-2016. Nomina de su Capitanu.
---------------	---

S'annu de su duemìgia e batòrdighi in sa die de su mese de abriale a sas oras 12.30 in sa Sala de sa Adunàntzia de su Palatu Munitzipale, fata chi siat s'osservàntzia de totas sas formalidades prevididas dae sa lege, si ch'est reunidu su Consìgiu Comunale.

A sa segunda cunvocatzione , in una setziada ordinària, chi est istada partetzipada a sa norma de lege ai sos Signorens Consigeris proclamados eletos in fatu de sas consultatziones elettorales de sas dies de su 6 e 7 de su mese de làmpadas 2009, chi resurtant presentes a sa cramata pro nùmene e sambenadu.

CONSIGERIS	PRESENTES	ASSENTES
Michelangeli Clara	X	
Carzedda Clàudiu	X	
Daga Fàbiu	X	
Bundone Màriu	X	
Tolu Rosa	X	
Bundone Jorgi		X
Coronas Frantzisca		X
De Cortes Sìrigu		X
Carzedda Elene		X

Assignados 10:

Presentes: 5

Chi sunt in carica: 9

Assentes: 4

Bidu chi b'at su nùmeru legale de sos consigeris chi ant partezzipadu a sa setziada;

- Presiedet sa setziada sa dut.ssa Clara Michelangeli in sa calidade sua de Sìndigu;
- Partetzipat su Segretàriu Comunale su dut. Mateu Manca;
- Sa setziada est aberta a su pùblichu.

SU CONSÌGIU COMUNALE

- Bida sa proposta de deliberazione cun sa cale si c'est provididu at achirire sos pareres de su cale a s'art. 49 e a s'art. 97 de su T.U. n. 267/2000 chi alligados a s'atu presente faghent parte integrante ei essenziale de su matessi atu;
- Bida sa Lege Regionale n.25 de su 15 de triùlas 1988, chi disciplinat s'organizadura ei su funtzionamentu de sas Cumpangias Barratzellares;
- Bidu su Regolamentu vigente pro su funtzionamentu de sa Cumpangia Barratzellare de Onanìe aprovadu cun sa sa delibera de su Consìgiu Comunale n.20 de sa die 08.03.1993, modificadu cun sa delibera n.18 de sa die de 01.08.2012;
- Leadu atu chi est iscadidu su perìodu de tempus prevididu pro s'atividade de sa Cumpangia Barratzellare;
- Cunsideradu chi a sos sensos de su comma 2 de s'art. 9 de sa Lege Regionale de su 15 de triùlas 1988 n.25, sas Cumpangias Barratzellares si ch'intendent rinnovadas a manera automatica pro sos tres annos sighentes si, su nessi ses meses a innantis de s'iscadèntzia de su mandadu normale non benit dada disdeta o non benit fata una deliberatzione diferente dae banda de s'Amministratzione Comunale;
- Bidu s'art. 12 comma 7 de sa Lege Regionale n.25, su cale previdit chi sin casu bi siat torra sa cunfirma de sa Cumpangia Barratzellare, s'Amministratzione Comunale depet protzedere a su seberu de unu capitanu nou in subra de sa base de una terna de rumenes e sambenados propostos dae banda de s'Assemblea de sos Barratzellos cun iscrutìniu segretu;
- Bidu su verbale de s'assemblea de sos barratzellos de Onanìe, protocollada cun su . 827 de sa die 17.04.2014;
- Abetadu chi s'Assemblea de sos Barratzellos apat formadu sa subranarada terna de numenes e sambenados chi sunt sos sighentes:
 1. Contu Ivan, nàschidu in Onanìe sa die de s'11.04.1971 cun 15 votos;
 2. Lai Remundu, nàschidu in Onanìe sa die de su 20.02.1959 cun 3 votos;
 3. Contu Màriu, nàschidu in Bitzi sa die de su 13.05.1978
- Averiguada sa presèntzia, in cabu de sos barratzellos propostos, de totus sos requisitos prevididos dae s'art. 11 de sa L.R. n.25 de su 15.07.1988;
- In cunsideru chi su nulla osta a sa nòmina de Capitanu nou dae banda de su Consìgiu Comunale;
- Chi b'at s'intentzione de cunfirmare torra sa cumpangia attuale pro sos tres annos imbenientes 2014/2016;
- A pustis de àere designadu comente iscrutadores sos Sig. Bundone Mario e Sig. Tolu Rosa, si protzedit a sa votatzione cun s'iscrutìniu segretu. Sos scrutadores ant dadu sas ischedas , ant remunidas sas ischedas, ant fatu su contègiu de sos votos cun sos resurtados sighentes: Contu Ivan 5 votos, Lai Remundu e Contu Màriu 0 votos;
- Premitidu totu e cunsideradu

CUN VOTU UNANIME DELIBERAT

- De leare atu de sa primissa cale parte integrante ei essenziale de s'atu presente;
- De rinnovare a manera tacita sa Cumpangia Barratzellare a sos sensos e pro sos efetos de s'art. 9 de sa Lege Regionale n.25/88 de su 15.07.1988 no essende istada fata sa disdeta nen dae banda de sa Cumpangia, nen dae banda de custu Comune su nessi ses meses a innantis de s'iscadèntzia;
- De nominare Capitanu de sa Cumpangia Barratzellare de Onanìe pro sos tres annos 2014/2016 su Sig. Contu Ivan;

- De dare atu chi su Sig. Contu Ivan tenet totus sos rechisidos previdos dae sa Lege Regionale n. 25/88 art. 12 comma 7;
- De dare chi sa Cumpangia Barratzellare de Onanie est cumposta dae sas personas iscritas in s'elencu postu in s'allegadu.

Su presente verbale benit lèghidu, aprovadu e sutaiscritu.

SU SÌNDIGU

F.du Dut.ssa Clara Michelangeli

SU SEGRETÀRIU

F.du Dut. Mateu Manca